

ՏՐԱՆՍ ՆՈՐՈՒԹՅՈՒՆՆԵՐ


Հունիս Հուլիս Օգոստոս 2021



ADVANCING EQUALITY FOR
YOUNG LGBTIQ PEOPLE
IN ARMENIA BY PROMOTING
THEIR CIVIC PARTICIPATION
AND ADVOCATING FOR THEIR


JULY 2021 - 2022

Ask Me
How I
Transform
Lives!



ԴԱՍԸՆԹԱՑՆԵՐԻ ՇԱՐՔ ՍԵՔՍ ԱՇԽԱՏՈՂ ԱՆՁԱՆՑ ՀԱՄԱՐ-----	2
«ՀԱՄԱՅՆՔ և ԱԿՏԻՎԻԶՄ» ԹԵՄԱՅՈՒՎ ՀԱՆԴԻՊՈՒՄ-ՔՆՆԱՐԿՈՒՄ-----	4
ՏԱՐԱԾԱԾՐՁԱՆԱՅԻՆ ԱՇԽԱՏԱԺՈՂՈՎ՝ «ՀԱՄԱՅՆՔ և ԱԿՏԻՎԻԶՄ» ԹԵՄԱՅՈՒՎ-----	6
ՓՈՓՈԽՈՒԹՅՈՒՆԸ ՍԿՍՎՈՒՄ Է ԻՆՁԱՆԻՑ-----	8
«COVID-19-Ի ՀԱՂԹԱՀԱՐՄԱՆ ԳՈՐԾՈՒՄ ՀԻՄՆԱԿԱՆ ԲՆԱԿՉՈՒԹՅԱՆ ԿԱՐԻՔՆԵՐԻ ԲԱՎԱՐԱՐՈՒՄ» ԴՐԱՄԱՇՆՈՐՀԱՅԻՆ ԾՐԱԳԻՐ-----	9
ԻՐԱԿԱՆԱՑՎԵՑ «ՓՈՓՈԽՈՒԹՅԱՆ ՁԱՅՆԸ»	
ԵՐԻՏԱՍԱՐԴԱԿԱՆ ԱԿԱԴԵՄԻԱՆ ԼԳԲՏԻՔ ԱՆՁԱՆՑ ՀԱՄԱՐ-----	10

ԴԱՍԸՆԹԱՑՆԵՐԻ ԸՄԲԶ ՄԵՔՍ ԱՇԽԱՏՈՂ ԱՆՁԱՆՑ ՀԱՄԱՐ



#Sexworkiswork
#StopViolenceAgainstSexWorkers

«Իրավունքի կողմը», լինելով տարածաշրջանում տրանս անձանց և սեքս աշխատողների համար գործող իրավապաշտպան առաջին համայնքախեն և առաջատար հասարակական կազմակերպություններից, զբաղվում է սեքս աշխատող անձանց իրավունքների պաշտպանությամբ, նրանց կրթությամբ, սոցիալական բարեկեցության ապահովմամբ, մտավոր և ֆիզիկական անվտանգությամբ և պաշտպանությամբ, ինչպես նաև բարձրացնում է հանրային իրազեկվածության մակարդակը տրանս անձանց և սեքս աշխատողների վերաբերյալ՝ նվազեցնելով նրանց նկատմամբ խարանը և խտրականությունը:

Յուրաքանչյուր ամիս ԻԿ ԻՀԿ-ի ապահով տարածքում սեքս աշխատող անձանց համար իրականացվում է դասընթացների շարք՝ բարձրացնելով նրանց կրթության մակարդակը, աջակցելով նրանց կյանքի որակի բարելավմանը և բարեկեցությանը, ներգրավելով նրանց կազմակերպության կողմից իրականացվող ծրագրերում:

Առաջին հանդիպումը տեղի ունեցավ հունվարի 16-ին, որին մասնակցում էին Երևանից և ՀՀ տարբեր մարզերից սեքս աշխատող համայնքի ներկայացուցիչներ: Հանդիպման թեման էր «Սեքս աշխատող անձանց կարիքների գնահատումը և քարտեզագրումը», որն անցկացրեց կազմակերպության նախագահ Լ. Մարտիրոսյանը: Սեքս աշխատող անձինք բարձրաձայնեցին մի շարք խնդիրներ, ինչպիսիք են ընտանեկան բռնությունը, հասարակության կողմից խտրականությունն ու ծաղրը, շարուակվող խարանը և խտրականությունը, որոնց բախվում են տարիներ շարունակ: Լ. Մարտիրոսյանը սեքս աշխատող անձանց հետ կատարեց խնդիրների քարտեզագրում, որպեսզի հետագայում տարբեր ծրագրերի միջոցով աջակցություն տրամադրվի սեքս աշխատողներին: Հանդիպման ավարտին մասնակիցները ցանկություն հայտնեցին հաջորդ հանդիպմանը խոսել իրավական բացերի մասին և անհատական հանդիպումներ ունենալ ՀԿ փաստաբանի հետ:

Հաջորդ հանդիպումը տեղի ունեցավ փետրվարի 5-ին: Քննարկման թեման էր՝ «Սեքս աշխատանքը և դրա իրավական կարգավորումները ՀՀ-ում», ինչպես որոշել էին նախորդ հանդիպմանը մասնակիցները: Մեմինարն անցկացրեց «Իրավունքի կողմ» ԻՀԿ փաստաթան Ա. Մարգարյանը, ով մասնակիցներին ներկայացրեց Հայաստանում սեքս աշխատանքի վերաբերյալ իրավական կարգավորումներ և առկա բացերը, այնուհետև, լսելով սեքս աշխատող անձանց խնդիրները, տրամադրեց անհատական խորհրդատվություններ: Փաստագրելով մի շարք խախտումներ՝ Ա. Մարգարյանը հորդորեց, որ մասնակիցները ոչ մի խտրականության դեպք չթողնեն անպատասխան և դրա մասին տեղեկացնեն կազմակերպությանը, ինչպես նաև հավելեց, որ ցանկացած պարագայում ՀԿ-ն նրանց համար կապահովի փաստաթանական ներկայացուցչություն ոստիկանությունում և դատարաններում:

Շարունակելով հանդիպումների շարքը՝ մարտի 7-ին տեղի ունեցավ «Մտավոր և ֆիզիկական անվտանգություն» թեմայով դասընթացը, որին մասնակցում էին Երևանից և ՀՀ տարբեր մարզերից տասներկու սեքս աշխատող անձինք: Հանդիպումն անցկացրեց կազմակերպության հոգեբանը, ով լսեց սեքս աշխատողների կարիքները, տրամադրեց խմբային խորհրդատվություններ: Մասնակիցներից շատերը խոսեցին իրենց նկատմամբ շարունակվող բռնությունների, խարանի և խտրականության մասին, որոնք ավելի են խորացնում իրենց մտավոր խնդիրները: Հանդիպման ավարտին մասնակիցներից շատերը ցանկություն հայտնեցին հաճախել անհատական հոգեբանական խորհրդատվությունների:

Ապրիլի 23-ին կազմակերպության համայնքային կենտրոնում կայացավ հաջորդ խմբային հանդիպումը: Հանդիպման թեման «Սեքս աշխատող անձանց նկատմամբ խարանը և խտրականությունն» էր: Հանդիպումն անցավ բուռն քննարկումներով, մասնակիցները ներկայացրին բոլոր այն դեպքերը, որոնց բախվում են, կիսվեցին անհատական պատմություններով, թե ինչպես է օրեցօր աճում նրանց նկատմամբ խարանն ու խտրականությունը: Ավարտին մասնակիցները շնորհակալություն հայտնեցին արդյունավետ հանդիպման համար և ավելացրին, որ միասին պայքարելու են նվազեցնել խարանն ու խտրականությունը սեքս աշխատող անձանց նկատմամբ՝ ստեղծելով ապահով և ներդաշնակ միջավայր նրանց համար:

Մայիսի 7-ին կայացավ հաջորդ խմբային հանդիպումը, որը նվիրված էր առողջության պահպանմանը, մասնավորապես ՄԻԱՎ/ԶԻԱՀ-ին և սեռավարակներին: Հանդիպումը վարում էր Լ. Մարտիրոսյանը, ով մանրամասն ներկայացրեց ՄԻԱՎ/ԶԻԱՀ-ի, ՍՃՓՎ-ների փոխանցման ուղիների, դրանց կանխարգելման և բուժման մասին: Մասնակիցներին ներկայացվեց նաև ՀԿ-ի ապագա ծրագրերը, որոնք ուղղված են լինելու սեքս աշխատողների առողջության պահպանմանը և սեռական առողջության վերաբերյալ իրազեկվածության մակարդակի բարձրացմանը:

Նշենք, որ հանդիպումների շարքն իրականացվում է «Կարմիր հովանոց» հիմնադրամի ֆինանսական աջակցությամբ:



«ՀԱՄԱՅՆՔ և ԱԿՏԻՎԻԶՄ» ԹԵՄԱՅՈՎ ՀԱՆԴԻՊՈՒՄ-ՔՆՆԱՐԿՈՒՄ



«Իրավունքի կողմ» իրավապաշտպան ՀԿ-ն սույն թվականի հունիսի տասնութին կազմակերպեց «Համայնք և ակտիվիզմ» թեմայով մեկօրյա հանդիպում-քննարկում, որին մասնակցում էին ՀՀ-ում մարդու իրավունքներով զբաղվող մի շարք հասարակական կազմակերպության ներկայացուցիչներ և տրանսգենդեր համայնքի ակտիվիստներ:

Հանդիպում-քննարկման նպատակն էր բարձրացնել տրանսգենդեր համայնքի իրազեկվածության մակարդակը մարդու իրավունքների և շահերի պաշտպանության ոլորտներում աշխատող հասարակական կազմակերպությունների վերաբերյալ և խթանել համայնքի ակտիվ ներգրավվածությունը հկ-ների աշխատանքներում՝ Հայաստանում ժողովրդավարության և հավասարության ամրապնդման համար:

Բացման խոսքով հանդես եկավ «Իրավունքի կողմ» իրավապաշտպան ՀԿ նախագահ Լիլիթ Մարտիրոսյանը, ով շնորհակալություն հայտնեց բոլոր մասնակիցներին հանդիպմանը ներգրավվելու, ակտիվիստական գործունեություն ծավալելու և իրենց ձայնը լսելի դարձնելու համար:

Տրանսգենդեր ակտիվիստները, որոնք մասնակցել էին նախորդ հանդիպումներին և դասընթացներին կիսվեցին իրենց ստացած գիտելիքներով, կատարած աշխատանքներով, ձեռքբերումներով: Հաջորդեց պանելային քննարկումը, որտեղ խոսնակները տրանսգենդեր ակտիվիստներ էին, ովքեր տարիներ շարունակ պայքարում են հանուն հավասարության, անվտանգության և ժողովրդավարության: Բարձրաձայնելով տրանսգենդեր անձանց խնդիրները՝ ակտիվիստները պատմեցին իրենց կյանքի դժվարությունների մասին, թե ինչպես են ենթարկվում խարանձի և խտրականության՝ իրենց գենդերային ինքնության և սեռական կողմնորոշվածության հիմքով, կրթություն և աշխատանք չունենալու պատճառով:

Հանդիպմանը հարթակ տրամադրվեց ՀԿ ներկայացուցիչներին, ովքեր իրենց գործունեության վերաբերյալ տրամադրեցին տեղեկատվություն և ներկայացրեցին, թե ինչպես կարող են Տրանս անձինք ներգրավված լինել իրենց աշխատանքներում: ՀԿ ներկայացուցիչներն էին «Փինք» իրավապաշտպան հկ-ի գործադիր տնօրեն Վադինակ-Տեր Հովհաննիսյանը, տնօրեն՝ Լիլիթ Ավետիսյանը, «Բազմազանության» ՀԿ նախագահ Արտակ Առաքելյանը, «Պատվի Շարժում» ՀԿ նախագահ Աշոտ Գևորգյանը, «Ֆիրլես» իրավապաշտպան ՀԿ նախագահ Նոռա Աղազարյանը, «Ֆեմ Գրադարան» ՀԿ համահիմնադիր Արփի Բալսանը, «Հավասարության Հնարավորություն» ՀԿ նախագահ Սեմ Ղուկասյանը, տվյալ ՀԿ-ներից այլ անդամներ ու կամավորներ:

Ծառունակելով հանդիպումը՝ տրանս ակտիվիստները և ՀԿ ներկայացուցիչները բաժանվեցին աշխատանքային խմբերի, կատարեցին ակտիվիստների կարիքների քարտեզագրում՝ օգնելու տրանս ակտիվիստներին իրենց աշխատանքներում:

Խմբային աշխատանքի ավարտից հետո բոլոր մասնակիցները ներկայացրին իրենց խնդիրները և ՀԿ ներկայացուցիչների կողմից ստացան առաջարկներ՝ հետագայում իրենց առջև ծառացած խնդիրները լուծելու և տրանս անձանց հզորացնելու համար՝ նրանց ներգրավելով տարբեր ծրագրերում:

Հանդիպման ավարտին Լիլիթ Մարտիրոսյանը շնորհակալություն հայտնեց բոլոր ՀԿ ներկայացուցիչներին՝ կարևորելով համագործակցությունը ՏՐԱՆՍԳԵՆԴԵՐ և ԼԳԲԻՔ անձանց կյանքի որակի բարելավման, անվտանգության և իրավունքների ամրապնդման ու պաշտպանվածության համար:

Հանդիպման ավարտին բոլոր մասնակիցները շնորհակալություն հայտնեցին հարթակի համար, որը ավելի է մտերմացնում և ուժեղացնում կապը ՀԿ-ների և համայնքի միջև հանուն ընդհանուր արժեքների, առաջարկվեց որպեսզի նմանատիպ հանդիպումները հաճախակի կազմակերպվեն՝ ներգրավվելով այլ ՀԿ-ների, որոնք զբաղվում են մարդու իրավունքների պաշտպանությամբ:

Հանդիպումն իրականացվեց «Արդարադատության մատչելիության խթանում Արևելյան գործընկերության երկրներում խտրականության, ատելության հիմքով կատարվող հանցագործությունների և ատելության խոսքի գոհերի համար» ծրագրի շրջանակներում, որը ֆինանսավորվում է Եվրամիության և Եվրախորհրդի կողմից և իրականացվում է Եվրոպայի խորհրդի կողմից:

Հանդիպման ընթացքում հնչեցրած տեսակետները չեն արտահայտում որևէ կողմի պաշտոնական կարծիքը:

Եվրոպայի խորհուրդ
Երևանում Եվրոպայի խորհրդի գրասենյակ
Փինք Արմենիա
Բազմազանություն Հասարակական Կազմակերպություն
Պատվի Շարժումը
Ֆիրլես
ՖեմԳրադարան



ՏԱՐԱԾԱԾՐՁԱՆԱՅԻՆ ԱՇԽԱՏԱԺՈՂՈՎ «ՀԱՄԱՅՆՔ և ԱԿՏԻՎԻԶՄ» ԹԵՄԱՅՈՎ

Իրավունքի կողմ իրավապաշտպան ՀԿ-ն սույն թվականի հունիսի 27-ից 29-ը իրականացրեց «Համայնք և ակտիվիզմ» եռօրյա աշխատաժողովը Տրանս ԼԳԲԻՔ ակտիվիստների և ՀԿ ներկայացուցիչների համար:

Հանդիպում-քննարկման նպատակն էր բարձրացնել մասնակիցների իրազեկվածության մակարդակը Տրանս ԼԳԲԻՔ անձանց իրավունքների և շահերի պաշտպանության ոլորտներում, խթանել համայնքի ակտիվ ներգրավվածությունը հկ-ների աշխատանքներում՝ Հայաստանում ժողովրդավարության և հավասարության ամրապնդման համար:

Աշխատաժողովի առաջին օրը մասնակիցները Zoom հարթակի միջոցով կապ հաստատեցին Վրաստանում գործող Թբիլիսի փրայդ ՀԿ-ի և Ուկրաինայում գործող ԷյջՓիԷլՋիԲիԹի ՀԿ-ի կողմից կազմակերպված հանդիպման մասնակիցների հետ:

Կազմակերպության նախագահ Լիլիթ Մարտիրոսյանը հանդես եկավ բացման խոսքով, ողջունեց գործընկեր կազմակերպություններին և հավելեց, որ տարածաշրջանային ծրագիրը կրելու է շարունակական բնույթ՝ ամրապնդելու ուժեղ և կայուն գործընկերային հարաբերություններ, որպեսզի մեր աշխատանքների արդյունքում տարածաշրջանում ապահովվի ԼԳԲՏԻՔ անձանց անվտանգությունը, բարօրությունը և ապահովությունը: Բացման խոսքով հանդես եկան նաև Թբիլիսի փրայդ ՀԿ-ի համահիմնադիր և ծրագրերի ղեկավար Թամազ Մոսաշվիլին և ԷյջՓիԷլՋիԲիԹի ՀԿ-ի նախագահ և ծրագրերի ղեկավար Իգոր Մեդվեդը:

Օնլայն հարթակի միջոցով մասնակիցները ծանոթացան միմյանց հետ, կիսվեցին իրենց ստացած գիտելիքներով և փորձով, այնուհետև շնորհակալություն հայտնեցին հանդիպումը կազմակերպելու համար, որը ավելի է բարձրացնում նրանց տեղեկացվածության և ակտիվիզմի մեջ ներգրավված լինելու մակարդակը:

Հանդիպման երկրորդ օրը մասնակիցները ձեռք բերեցին նոր գիտելիքներ ֆոնդահայայթման, միջազգային փոխանակման ծրագրերի և ԼԳԲՏԻՔ անձանց այդ ծրագրերում ներառելու հնարավորությունների վերաբերյալ: Տեսական գիտելիքներից հետո մասնակիցները բաժանվեցին խմբերի և սկսեցին կատարել գործնական առաջադրանքներ, որոնք ուղղված էին ծրագրային հայտեր ներկայացնելուն՝ հաշվի առնելով ԼԳԲՏԻՔ անձանց կարիքները և պահանջները: Շարունակելով աշխատաժողովը՝ օրվա երկրորդ կեսին Լիլիթ Մարտիրոսյանը մասնակիցների հետ քննարկեց ակտիվիզմի հեռանկարները, ծառացած խնդիրները, դրանց լուծման ուղիները Հայաստանում և տարածաշրջանում: Օրվա ավարտին մասնակիցները ներկայացրին իրենց ստացած գիտելիքների հիման վրա մշակված ծրագրային առաջարկները, որոնք հետագայում կներկայացվի ֆինանսավորման:

Հանդիպման վերջին օրը մասնակիցները քարտեզագրեցին համագործակցության բոլոր հնարավոր եղանակները, շնորհակալություն հայտնեցին ֆինանսավորողներին և կազմակերպիչներին նման հնարավորության համար, որտեղ կարող են ձեռք բերել գիտելիքներ՝ ուղղված ԼԳԲՏԻՔ անձանց կյանքի որակի բարելավմանը, իրավահավասար և ապահով միջավայրի ստեղծմանը:

Աշխատաժողովի ավարտին Լիլիթ Մարտիրոսյանը հանդես եկավ փակման խոսքով, հանձնեց վկայականներ, բոլոր մասնակիցներին շնորհակալություն հայտնեց ակտիվ մասնակցության համար, ապա հավելեց, որ Իրավունքի կողմ իրավապաշտպան ՀԿ-ն, լինելով առաջին Տրանս կազմակերպությունը ՀՀ-ում և Կովկասում, կարևորում է տարածաշրջանային համագործակցությունը և անելու է ամեն ինչ, որպեսզի Տրանսգենդեր ԼԳԲԻՔ անձինք ապրեն ներդաշնակ և ապահով կյանքով:

Աշխատաժողովն իրականացվել է ԱՄՆ-ի Գերմանական Մարշալի հիմնադրամի կողմից ֆինանսավորվող «ԱլԳերկրներում ԼԳԲՏԻՔ անձանց շրջանում ակտիվիզմի կառուցում» ծրագրի շրջանակներում՝ «Իրավունքի կողմ» իրավապաշտպան ՀԿ-ի, Վրաստանում գործող «Թբիլիսի փրայդ» ՀԿ-ի և Ուկրաինայում գործող «ԷյջՓիԷլՋիԲիԹի» ՀԿ-ի հետ համատեղ: Ծրագրի նպատակն է բարձրացնել ԼԳԲՏԻՔ անձանց կարողությունների մակարդակը մարդու իրավունքների և հիմնարար ազատությունների, ջատագովության և առաջնորդության հմտությունների վերաբերյալ՝ ատելության խոսքի, ատելության հիմքով բռնությունների և խտրականության դեպքերի նվազեցման համար, քարոզչական մեխանիզմներով ապահովել համայնքի անվտանգությունն և բարեկեցությունը, խթանել ԼԳԲՏԻՔ շարժման ամրապնդումը՝ տարածաշրջանում ժողովրդավարական արժեքների հաստատման համար:

Մեր գործընկերների կողմից կազմակերպված հանդիպման մասին մանրամասն կարող եք ծանոթանալ ներքոնշյալ հղումներով.

Մեր գործընկերների կողմից կազմակերպված հանդիպման մասին մանրամասն կարող եք ծանոթանալ ներքոնշյալ հղումներով.

ԷյջՓիԷլՋիԲիԹիՀԿ՝


<https://www.hplgbt.org/news-id/22?fbclid=IwAR2tCQzvXK48xfV2kP478Ly8YcXVU22zrnzdIsvIw4no0FB3mKY1aOaNdK#> :

Թբիլիսի Փրայդ ՀԿ՝

<https://tbilisipride.ge/en-US/News/Details/93> :

#Regional_LGBT_Activism, #BST_RS_HPLGBT_TbilisiPride_Cooperation

● REC



Սույն տեսանյութում արտացոլված են հայ տրանսգենդեր ակտիվիստների անձնական պատմությունները, որոնք ոգեշնչում են ԼԳԲՏ համայնքին լինել ուժեղ և չվախենալ իրենց իրավունքների համար պայքարելուց, հասկանալ, որ յուրաքանչյուր ԼԳԲՏ անձ պատասխանատու է իր համայնքի համար և յուրաքանչյուրի քայլն արժեքավոր է իրավունքների պաշտպանության գործընթացում:

© «Իրավունքի Կողմ» իրավապաշտպան հասարակական կազմակերպություն
Սույն տեսահոլովակը պատկանում է «Իրավունքի Կողմ» իրավապաշտպան հասարակական կազմակերպությանը:
Տեսահոլովակում օգտագործված երաժշտությունը չի՝ պատկանում կազմակերպությանը:

#Regional_LGBT_Activism
#BST_RS_HPLGBT_TbilisiPride_Cooperation.


«COVID-19-ի ՀԱՂԹԱՀԱՐՄԱՆ ԳՈՐԾՈՒՄ ՀԻՄՆԱԿԱՆ ԲՆԱԿՉՈՒԹՅԱՆ ԿԱՐԻՔՆԵՐԻ ԲԱՎԱՐԱՐՈՒՄ» ԴՐԱՄԱՇՆՈՐՀԱՅԻՆ ԾՐԱԳԻՐ

«Իրավունքի կողմ» իրավապաշտպան ՀԿ-ի առթիվ աշխատակիցները՝ ՀՀ ԱՆ ՁԻԱՀ-ի կանխարգելման հանրապետական կենտրոնի մասնագետների աջակցությամբ վերապատրաստվեցին և դարձան **#ՄԻԱՎ-ի** թեստավորման և կանխարգելման խորհրդատուներ:

Մեկօրյա սեմինար-վարժանքի շրջանակներում մասնակիցները ընդհանուր գիտելիքներ ստացան Հայաստանում ՄԻԱՎ/ՁԻԱՀ-ի իրավիճակի, վարակի փոխանցման ուղիների և դրա կանխարգելման, ՄԻԱՎ-ի վերաբերյալ հետազոտվելու կարևորության մասին, կենտրոնի մասնագետների աջակցությամբ ծանոթացան արագ թեստավորման առանձնահատկություններին և նշանակությանը, կատարեցին **ՄԻԱՎ-ի** նկատմամբ հակամարմինների որոշման արագ թեստի կիրառման գործնական աշխատանքներ:

Ներկայումս, առթիվ աշխատակիցներն իրականացնում են արագ թեստավորում տրանսգենդեր անձնաց և սեքս աշխատողների շրջանում՝ կանխելու ՄԻԱՎ վարակի փոխանցումը:

Ծրագիրն իրականացվում է «Իրավունքի կողմ» իրավապաշտպան ՀԿ-ի կողմից՝ Արևելյան Եվրոպայի և Կենտրոնական Ասիայի թիրախային խմբերին արագ արձագանքման օգնության ֆոնդի կողմից:



ԻՐԱՎԱՆԱՑՎԵՑ «ՓՈՓՈԽՈՒԹՅԱՆ ՁԱՅՆԸ» ԵՐԻՏԱՍԱՐԴԱԿԱՆ ԱԿԱԴԵՄԻԱՆ ԼԳԲՏԻՔ ԱՆՁԱՆՑ ՀԱՄԱՐ

Activity supported by the
Canada Fund for Local Initiatives
Activité réalisée avec l'appui du
Fonds canadien d'initiatives locales

Canada

ԻՐԱՎՈՒՆԹԻ ԿՈՐՄ
ԻՐԱՎԱՆՈՒՄԻ ԱՄԱՐՄԱԿԱՆ ԿԱԶՄԱԿԵՐՊՈՐԱՑԻՈՆ

«Իրավունքի կողմ» իրավապաշտպան ՀԿ-ն սույն թվականի օգոստոսին ՀՀ Լոռվա մարզում առաջին անգամ իրականացրեց «Փոփոխության ձայնը» երիտասարդական ակադեմիան՝ ներգրավվելով ՀՀ տարբեր մարզերում բնակվող Տրանս ԼԳԲԻՔ երիտասարդների: Միջոցառման հիմնական նպատակն էր խթանել երիտասարդ ԼԳԲՏԻՔ անձանց քաղաքացիական մասնակցությունն ու սոցիալական ներառումը Հայաստանում՝ իրազեկվածության բարձրացման և ակտիվիստական կարողությունների զարգացման միջոցով:

«Ռեսուրսների սահմանափակ լինելու պատճառով հարյուր հիսունինը դիմորդներից ստիպված էինք ընտրել ընդամենը 20 դիմորդի: Հուսով եմ, որ ակադեմիան կկրի շարունակական բնույթ՝ ապահովելու համայնքի բոլոր անդամների ակտիվիստական կարողությունների ձևավորումը և խթանելու նրանց ներգրավվածությունը սոցիալական կյանքում:

«Իրավունքի կողմ» իրավապաշտպան ՀԿ նախագահ Լիլիթ Մարտիրոսյան

Ակադեմիայի պաշտոնական բացումը կատարեց կազմակերպության նախագահ Լիլիթ Մարտիրոսյանը, ով շնորհավորեց բոլոր մասնակիցներին ընտրվելու կապակցությամբ, ապա հավելեց, որ ԼԳԲՏԻՔ համայնքի անդամների համար առաջին անգամ է նմանատիպ ձևաչափով դասընթաց անցկացվում Հայաստանում, որ այս հնարավորությունը պետք է օգտագործել կրթվելու, ավելի ուժեղ դառնալու, ՀՀ-ում ակտիվիստական գործունեություն ծավալելու համար առկա ռեսուրսները բացահատելու և համայնքի շահերի պաշտպանության մեջ ներգրավվելու համար:

LGBTIQ
YOUTH ACADEMY



Ընդհանուր առմամբ, ակադեմիայի ընթացքում նախատեսված էր 7 թեմատիկ ոլորտ.

- o Գաղափարների զենեքացում
- o Քննադատական մտածողության ձևավորում
- o Մշակութային արժեքների ձեւավորում
- o Ջանքերի միավորում՝ հանուն բարեկեցիկ ապագայի
- o Մարդը՝ որպես բարձրագույն արժեք
- o Հանրային արշավներ գյուղական համայնքներում
- o Փոփոխություն կերտողները ՄԵՆՔ ենթ

Մասնակիցները ձեռք բերեցին գիտելիքներ մարդու իրավունքների և հիմնարար ազատությունների, իրավունքների ոտնահարման դեպքերի կանխարգելման, առաջնորդության և ակտիվիզմի, շահերի պաշտպանության և քարոզարշավներ վարելու հմտությունների, ծրագրային առաջարկներ գրելու և ներկայացնելու վերաբերյալ, ստանացան անհատական խորհրդատվություն փորձառու մասնագետների կողմից՝ մշակված ծրագրերը ֆինանսավորման ներկայացնելու վերաբերյալ, համայնքի այլ ներկայացուցիչների հետ փոխանակվեցին անհատական փորձով և նոր գաղափարներով:

«Ակադեմիան ինձ տվեց այնպիսի հնարավորություններ, որն ինձ չի հաջողվել ստանալ դպրոցում, համալսարանում, աշխատավայրում: Մա ամբողջովին նոր ձևաչափ էր, հիմա ինձ ուժեղ ու վստահ եմ զգում իմ գիտելիքներով»:

Տրանսգենդեր կին, ակտիվիստ

Տարիներ շարունակ Տրանս ԼԳԲԻՔ անձինք, ենթարկվելով խտրական վերաբերմունքի, հնարավորություն չեն ունեցել այցելել կրթական կենտրոններ, ճանաչել ՀՀ մշակութային ժառանգությունը, բացահայտել իրենց կարողությունները և ունակությունները: Այդ իսկ պատճառով կրթական տարրը զուգորդվում էր ճանաչողական այցերով. համայնքի ներկայացուցիչները այցելեցին Տավուշի և Լոռվա մարզերում գտնվող նորարարական և մշակութային կենտրոններ, ինչպիսիք են Հ. Թումանյանի տուն թանգարանը, Լոռվա բերդը:

«Ինձ համար միշտ եղազանք է եղել այցելել ՀՀ մշակութային կենտրոններ և տեղում ծանոթանալ մեր մշակույթի հետ, սակայն չեմ կարողացել, մտածել եմ, որ ինձ կիստրանսնացնեն, թույլ չեն տա: Ծնորհակալ եմ այս հնարավորության համար»:

Նույնասեռական տղամարդ


Մասնակիցներին հնարավորություն ընձեռնվեց լինել «ԲՈԱՓ» ՍՄԱՐԹ կենտրոնում՝ բացահայտելու իրենց ինտելեկտուալ կարողություններն ու ընդլայնելու սովորելու շրջանակները, տարբեր սրահներում մասնակցելու քննարկումների և բանավեճերի:


«Այս նորարարական կենտրոնն ինձ նոր շունչ է տալիս, այստեղ ապագան ապահով և բարեկեցիկ եմ տեսնում բոլորիս համար»:

Տրանսգենդեր կին, ակտիվիստ

Ակադեմիայի փակմանը մասնակիցները ստացան վկայականներ՝ պատրաստակամություն հայտնելով իրենց ստացած փորձն ու գիտելիքներն ապագայում կիսել այն մասնակիցների հետ, որոնք չկարողացան մասնակցել:

Սույն ակադեմիան հնարավոր է դարձել իրականացնել Տեղական նախաձեռնությունների կանադական հիմնադրամի (CFLI) ֆինանսական աջակցությամբ:





RIGHT SIDE

HUMAN RIGHTS DEFENDER NGO



www.RightSideNGO.com



rightsidengo@gmail.com



facebook.com/RightSideNGO



twitter.com/RightSideNGO



instagram.com/RightSideNGO



+374 - 11 - 880 - 770